



MEIRANDE

Centro de Interpretación da Batalla
e o Patrimonio Cultural de Rande



CONCELLO DE
REDONDELA



Asociación
Deportiva e Cultural
de Rande



XUNTA
DE GALICIA



1702

No ano 1702, A Frota de Indias, que viña protexida desde Cuba por navíos franceses, é atacada na Ría de Vigo por barcos ingleses e holandeses na coñecida como Batalla de Rande, feito que se engloba na Guerra de Sucesión Española. A pesar de que a maioría da valiosa mercadoría, prata, pedras preciosas, porcelanas... fora levada a terra durante as semanas anteriores á contenda, son moitas as voces que desde entón falan dun gran tesouro afundido na nosa baía.

O **MEIRANDE** ofrece a posibilidade ó visitante de coñece-los feitos no mesmo lugar onde sucederon, que levou a que se producisen e o acontecido trala derrota franco-española e o afundimento dos navíos.



A PAISAXE

Desde o pantalán ofrécesenos unha paisaxe heteroxénea, no que a actividade industrial deixou unha forte pegada. O noso mar foi durante séculos fonte de recursos para a economía local: pesca, transportes, conserveiras...

O cargadoiro de tipo cantilever da compañía de orixe alemá Minerais de Hierro de Galicia S. A. foi construído entre 1925 e 1926 na contorna dos restos do Forte de Rande. Outro cargadoiro, de construción máis recente, chamado Coto Wagner, foi levantado sobre tres plataformas de formigón sobre o mar, na década de 1960, pola empresa Minero Siderúrgica de Ponferrada, hoxe tamén en desuso.

A Ponte de Rande, construída na década dos setenta, foi proxectada polos enxeñeiros Florencio del Pozo, Frabrizio de la Miranda e Alfredo Passaro. Concedéronlle o Premio Europeo á Construción Metálica en 1979.

As bateas son estruturas flotantes que en Rande se destinan ó cultivo de mexillón. Na Enseada de San Simón aparecen no século XX.

Ó fondo atópanse as Illas de San Simón e Santo Antón, coa súa lendaria historia, e o areal de Cesantes, o máis longo de toda a enseada.

MEIRANDE
Fábrica do Alemán

Ruínas do Forte
de Rande

Cargadoiro
"do Alemán"

Ponte de Rande



TESOUROS

O famoso Tesouro de Rande é sen dúbida un dos máis buscados de tódolos tempos. Pouco despois da batalla comezan as inmersións dirixidas por Fernando de la Mata baixo as instrucións do Consello de Indias. De aí ata hoxe multiplícanse as datas e os nomes. Unha das campañas que máis fama tería foi a do neioiorquino John S. Potter Jr., enxeñeiro por Harvard que consegue en 1955 un permiso por tres anos para as súas prospeccións. En **MEI-RANDE** contámosche a historia das inmersións na Enseada de San Simón.



En Vinte Mil Leguas Baixo os Mares (1869) de Jules Verne, o seu protagonista, o Capitán Nemo, acode ata a nosa baía no submarino Nautilus en busca do tesouro dos galeóns afundidos.



Bateas

Cargadoiro
Coto Wagner

Illas de San Simón
e Santo Antón

Areal de Cesantes


A FÁBRICA DO ALEMÁN

MEIRANDE, Centro de Interpretación da Batalla e do Patrimonio Cultural de Rande, sitúase nunha antiga fábrica de salgadura de peixe da que se ten constancia, cando menos, desde o ano 1836, vinculada á familia Carsí, de orixe catalá.

Hoxe este lugar é coñecido como A Fábrica do Alemán, en referencia ao empresario Otto Gerdtzen Boyé, que explotou as instalacións desde 1944 ata 1955, primeiro como salgadura e logo comercializando a marca Conservas Boyé.

Repartidas entre o exterior e un dos módulos, móstranse diferentes máquinas utilizadas na fábrica desde o século XIX, destacando as máquinas a vapor inglesas de principios do século XX.





a contorna natural

Atopámonos na Enseada de San Simón, clasificada como Zona de Especial Protección dos Valores Naturais (ZEPVN) e Lugar de Interese Comunitario (LIC), formando parte da Rede Natura 2000, rede europea de espazos naturais protexidos.

Aquí viven miles de aves acuáticas, con gran presenza de gaivotas (*Larus fuscus*, *Larus ridibundus*, *Larus cachinnans*) e anátidas (*Anas penelope*, *Anas platyrhynchos*).

Destaca a beleza dos xogos acuáticos dos cormoráns, chamados corvos mariños (*Phalacrocorax carbo*) e a elegancia das garcetas (*Egretta garzetta*).

En ocasións podemos ver grupos de arroaces (*Tursiops truncatus*), que se van movendo entre as rías.

Cando baixa a marea, é posible ver cangrexos (*Carcinus maenas*) entre as rochas, onde crían os mexillóns (*Mytilus galloprovincialis*) e as lapas (*Patella vulgata*) e o colorido das algas (*Pelvetia canaliculata*, *Ascophyllum nodosum*, *Fucus vesiculosus*).



MEIRANDE

Centro de Interpretación da Batalla
e o Patrimonio Cultural de Rande

📍 Fábrica do Alemán • Lugar de Rande S/N - (Rande) Redondela

☎ 986 458 891

✉ museomeirande@redondela.gal

📌 Meirande-Museo